

et tutta la sua artelaria, la qual dice haver cento carete, su le qual se atrova do e tre pezi per una, et *etiam* è alquanto grosse, et ha uno maistro che fa ditta artelaria, che si chiama maestro Jachoino *cum* molti portoghesi, li qual portano bareta negra e rosa grande. Li qual dixeno da molti segni che è da *credere*, et io ge lo credo. Et disse aver in campo da numero 300 milia persone, i qual stanno al ditto loco da Carata, et hanno molte sue comodità di aqua et altro, et li aspetano li ambadori, i qual sono andati a domagdar tutte terre e casteli che per avanti li fo tolli, vogliando far paxe con lui, altramente lui ge le torà per forza *cum* sui altri lochi, perchè el paese che lui ha, lui lo ha aquistado *cum* la sua spada, et hora debi vardar che lui non li faza quel cerchè suo padre farge, e lui manda li sui exerciti e vegni sua persona in uno loco chiamato Arzingan, e li farano la zornata. I qual sopraditi armeni dixeno, che lo exercito dil signor Sophi non si atrova tutto in uno loco. La sua persona *cum* l'artelaria et schiopetaria si atrova *cum* cercha 100 milia persone al circuito de Arzingan, el qual è disposto far paxe o guerra, restituendosi suoi casteli e terre. I campi del Gran signor se atrovano in Casaria, capitano Farrat bassà, e li hanno a far la massa. Ho parlato con uno janizaro greco, che el gran Signor si era partito de Galipoli *cum* grandissimi exerciti, non sanno che parte piglierà. L'altro zorno è venuto uno olaco con comandamenti del Signor, che el signor de sto locho habbi a mandar tutti i maestri murari a li casteli ruinati da queste bande de Aleppo, e soprattutto nel castelo de Aman, e vole i siano fabricati. La causa niun non la puol intender. Per hora altro non scrivo a vostra magnificentia, salvo chi vol intender cosa alcuna da novo, bisogna andar pesadamente, perchè è grandissima paura e pena a chi vol parlar de tal cose, per il che io fazo quel che posso *cum* grandissima diligentia, et quel intenderò aviserò a le magnificentie vostre. Quel tgnirà de guerra o paxe et a la zornata ne significherò a le Magnificentie Vostre quel sarà. Me dispiace che le strade non siano segure, che *cum* verità anderia in persona per veder del mondo et dar la vera information.

*Copia di una letera di sier Francesco Michiel qu. sier Hironimo, qu. sier Anzolo el dottor, drizata a sier Sebastian Moro locotenente di Cipro, data in Baruto a dì primo Zugno 1521.*

Essendo in loco, magnifico padre, che non posso dimostrar la servitù mia a vostra magnificentia *solum cum* sotrazer de molte zanze, che de qui per mori se dice, qualche verità, et farlo a saper a quella; ma questa hora è zouto el nostro cadi de Baruthi, mandato da la Porta, che è zorni 36 che manca. Dice el Signor turco zà 4 zorni esser zouto a Malathia con zente assae, che son 6 zornate luntan de Aleppo. Dice aver parlato con do ambadori del Sophi che andava al Signor per farli intender se 'l voleva paxe over guera, che 'l Sophi era per saper quello voleva el Turco. Et *etiam* il bassà che fò a Damasco, era andato *cum* tutte le sue zente verso Malathia, et aspetava el Signor turco. Heri vene un franco da Damasco, et disse zanze assae, che de li si dice del Sophi esser in campagna con portogesi assai; che Bene Soar, che fo quel macademo 173 cazò el Gazeli de la sedia de Aleppo, è fuzito dal Sophi *cum* 4 altri machademi; che in quel castel de Damaseo si feva provision de biave assai et portava le biave *cum* la paja dentro senza tibiarle, arabi ogni zorno core su le porte di Damasco et ruina le campagne, turchi non li vol andar a l'impeto, et fu dito, essendo mi de li, como Zambaleth, fo capitano de la caravana cercassa, homo de gran faction, fo ditto esser apresentato al bassà; dove ve dieo per questo homo io feva opinion certa che, essendo morto il suo patron, che era il Gazeli, lui se avesse apresentà non habiando più speranza al mondo; ma certo se dice non esser vero che lui mai se habia apresentà, ma son al Caracha *cum* schiavi, et che el suo Signor el Gazeli non è morto, over che ha speranza del Sophi.

Dil Gazeli nulla si ha, se l'è dal Sophi over morto. Quelli di Damasco dice havia da scriver da novo ma non vol per bon rispetto. Se parla palese per turchi et mori che 'l Sophi, vien et concludono el Signor non esser venuto apresso Aleppo 6 zornate senza causa. Quel sarà, per mie de continuo quella sarà advisata. Se la nova non reense come io la intendo, quella sa, nui non avemo spia che ne porta la verità; ma se sotraze da persone che son tutte passionate al Gazeli et al Sophi. La caravana de Bagadeth, che era spazà da Damasco per partirse, da poi che è stà dito